

Sancti Hannibalis Mariae, presbyteri et fundatoris

ANT. AD INTROITUM

Cf. Io 10, 14-15

Ego sum pastor bonus, dicit Dóminus,
et cognóscó meas; et cognóscunt me meae,
et ánimam meam pono pro óvibus.

COLLECTA

Deus, spes humílium, refúgium páuperum patérque orphanórum,
qui sanctum Hanníbalem Mariám, presbýterum,
insígnem apóstolum pro vocatióibus rogándis elígere voluísti,
eius intercessióne, mitte in messem tuam dignos operários Evangéllii,
et fac ut, eódem moti spírítu caritátis,
in tuae et próximi dilectióne crescámus.
Per Dóminum.

SUPER OBLATA

Súscipe, quaesumus, Dómine, múnera quae tibi offérimus
et concéde nobis ut, exémplo sancti Hanníbalis Mariae,
qui, zelo tui amóris succénsus,
páuperes parvulósque pavit pánibus vitae,
perféctae caritátis sacrificium
cum altáris oblatióne coniúngere valeámus.
Per Christum.

ANT. AD COMMUNIONEM

Cf. Mt 9, 36

Videns autem Dóminus turbas,
misértus est eis quia erant vexáti et iacéntes
sicut oves non habéntes pastórem.

POST COMMUNIONEM

Sacraménta quae sumpsimus, Dómine Deus noster,
in nobis fóveant desidérium salútis hóminum
quod sanctum Hanníbalem Mariám inflammávit
et concéde, ut vocatióne nostra digne ambulátes,
promíssum bonis operáriis praémium cum eo consequámur.
Per Christum.

PRAEFATIO

De miserationis Boni Pastoris ministerio

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et iustum est.

Vere dignum et iustum est, aequum et salutáre,
nos tibi semper, hic et ubíque grátias ágere,
Dómine, sancte Pater, omnípotens aetérne Deus,
per Christum Dóminum nostrum.

Ad cuius Boni Pastóris imáginem confórmem,
sanctum Hanníbalem Maríam
exímium miserationis Filii tui turbae mínístrum fecísti.

Hic verus praeco Evangélli,
qui, praecépta mémorans Magístri,
pro messe tua indesinéter rogávit operários.

Hic firma sémita providéntiae,
qui, curam consúmens in órphanos,
vultum tuum osténdit consolatórem moeréntium.

Hic fidélis amátor páuperum,
qui, manus exténdens ad ínopem,
íisdem óstium pandit caeléstis gáudii.

Propter quod caeléstia tibi atque terréstria
cánticum novum cóncinunt adorándo
et nos cum omni exércitu Angelórum
proclamámus, sine fine dicéntes:

Sancti Hannibalis Mariae, presbyteri et fundatoris

Liturgia Verbi

LECTIO I: **Ez 34**, 11-16.31 «*Sicut visitat pastor gregem suum, sic visitabo oves meas*»
Haec dicit Dominus: Ecce ego ipse requiram oves meas...

PS. RESP.: **Ps 22**
R/. Dominus pascit me, et nihil mihi deerit

LECTIO II: **1 Cor 9,16-19.22-23** «*Vae mihi est, si non evangelizavero*»
Fratres: Si evangelizavero, non est mihi gloria...

ALLELUIA: **Io 4**, 35-36: Levate oculos vestros et videte regiones quia albae sunt ad messem!
Iam qui metit, mercedem accipit et congregat fructum in vitam aeternam.

EVANG.: **Mt 9,35-38** «*Messis quidem multa, operarii autem pauci*»
In illo tempore : Circumibat Iesus civitates omnes...

Sancti Hannibalis Mariae, presbyteri et fundatoris

Natus est Messanae die 5 iulii 1851. Verbo Dei illustratus, omni ope ac studio in praeceptum Iesu diffundendum enisus est dominum messis pro dono bonorum operariorum orandi. Presbyteratu auctus, apostolatam suum exercuit in orphanos pauperesque quoad mores et spiritum redimendos in una ex abiectissimis civitatis suae regionibus. Orphanotrophia Antoniana et Congregationes *Filiarum a Divino zelo* et *Rogationistarum a Corde Iesu* fundavit. Messanae die 1 iunii 1927 in Domino obiit.

De Communi pastorum.

LECTIO ALTERA

Ex «Scriptis» sancti Hannibalis Mariae, presbyteri et fundatoris
(*Quaranta dichiarazioni e promesse*, n. 21; vol. 44, pp. 129-130)

*Rogate Dominum messis,
ut mittat operarios in messem suam*

Ecclésiā Iesu Christi magnum illum esse méssibus constrátum agrum recensébo, quae univérsi pópuli mundi sunt et innúmerae animárum multítudines órđinum societátis et condiciónum ómniū. Sicut et semper recensébo quómodo magna harum méssiū pars deféctus cultórum causa péreant.

Tanta transfóssum cor percípiam labe, pro illis méssibus máxime, quae novae progénies sunt. Cum íntimis sociábo poenis Sacratíssimi Cordis Iesu tanta diútina ac sera egestáte allátis et, verbum Iesu Christi sanctíssimum illum recógitans: «Rogáte ergo Dóminum messis, ut mittat operários in messem suam» (*Mt 9, 38*), pro populórum, natiónum, societátis, Ecclésiāe ac praesértim púerum et iuventútis salúte, pro evangelizatióne páuperum et pro omni alio bono spirituáli ac temporáli humánae famíliāe nullum esse effícius principiúsque remédium putábo quam quod Dóminus noster Iesus Christus nobis praecépit, scílicet indesinéter Sacratíssimum Cor Iesu, Beatíssimam Mater eius, Angelos et Sanctos rogáre, ut Sanctus et divínus Spíritus vívidas súscitet vocatiónes, ánimas electíssimas, sacerdótes sanctos, hómīnes apostólicos, novos apóstolos fide, sollicitúdine et caritáte refértos pro ómniū animárum salúte.

Huic contínuae oratióni omnes dies meos omnémque ánimū meum dicábo et omni cura ac stúdio cónsulam, ut praecéptum hoc Dómini nostri Iesu Christi, parvi etiámdum ductum, ubíque cognoscátur perficiáturque et sic per totum orbem terrárum omnes utriúsque cleri presbýteri, omnes sanctae Ecclésiāe usque ad Summum Pontíficem insigniōes, omnes vírgines Iesu sacrátae, omnes clérīci in Semináriis, omnes ánīmae pīae, omnes páuperes et púeri, omnes Summum rogent Deum operários sine amplióre mora multos ac sanctos, utriúsque sexus, sacerdótes et láicos, mittere pro sanctificatióne et salúte ómniū animárum. Dómino auxiliánte, ad sacrificium quódlībet parátus ero, etiam sánguinem et vitam dare, ut haec «rogátio» universális fiat.

RESPONSORIUM

Lc 10, 2; Ps 61, 9

R/. Messis quidem multa, operárii autem páuci; rogáte ergo Dóminum messis, * ut mittat operários in messem suam.

V/. Speráte in eo, omnis congregátio pópuli, effúndite coram illo corda vestra

R/. Ut mittat operários in messem suam.

AD I VESPERAS

Ant. 1: Evangelii factus sum minister, secundum donum gratiae Dei

Ant. 2: Omnia facio propter Evangelium, ut comparticeps eius efficiar

Ant. 3: Suscitabo mihi sacerdotem fidelem, qui iuxta cor meum et animam meam faciet, dicit Dominus

Ant. ad Magn.: Sicut ministri in Cana, praesidio Matris comite, quodcumque Iesus dixit, ad summum fecit Hannibal.

AD INVITATORIUM

Ant.: Christum Dominum pauperes diligentem, venite, adoremus

Vel:

Ant.: Laudemus Deum nostrum in celebritate Sancti Hannibalis Mariae.

OFFICIUM LECTIONUM

Ant. 1: Qui sequitur me, non ambulat in tenebris, sed habebit lumen vitae, dicit Dominus.

Ant. 2: Manifestavit nomen Iesu hominibus, et verba quae accepit a Deo nuntiavit eis

Ant. 3: Si quis mihi ministrant me sequatur, et ubi sum ego, illic et minister meus erit.

AD LAUDES MATUTINAS

Ant. 1: In fide veritatis Deus vocavit nos per Evangelium, in acquisitionem gloriae Domini nostri Iesu Christi

Ant. 2: Sic luceat lux vestra coram hominibus, ut videant opera vestra bona, et glorificent Patrem vestrum

Ant. 3: Omnium me servum feci, ut plures Christo Domino lucrifacerem

Ant. ad Bened.: Sacerdotum speculum, orphanorum pater, pauperum defensor, fecisti quae docebas; ora pro nobis Dominum.

AD II VESPERAS

Ant. 1: Qui verbum Dei retinent corde perfecto et optimo, fructum afferunt in patientia

Ant. 2: Serve bone et fidelis, quia pauca fuisti fidelis, supra multa te constituam: intra in gaudium Domini Dei tui.

Ant. 3: Oves meae vocem meam audient, et fiet unum ovile et unus pastor.

Ant. ad Magn.: Sicut ministri in Cana, praesidio Matris comite, quodcumque Iesus dixit, ad summum fecit Hannibal.